

**სახელმწიფო შესყიდვის შესახებ
ხელშეკრულება 1-20**

ქ.თბილისი

06 თებერვალი 2018 წელი

ერთის მხრივ, **სსიპ ბირთვული და რადიაციული უსაფრთხოების სააგენტო** (შემდგომში - „შემსყიდველი“) წარმოდგენილი მისი უფროსის **ვასილ გედევანიშვილის** სახით და მეორეს მხრივ **შპს „თეგეტა მოტორსი“** (შემდგომში „მიმწოდებელი“) წარმოდგენილი მისი გენერალური დირექტორის **თემურ კოხოძის** სახით, ვდებთ წინამდებარე ხელშეკრულებას შემდეგზე:

1. ხელშეკრულების საგანი და ღირებულება

1.1. ხელშეკრულების საგანს წარმოადგენს: **სსიპ - ბირთვული და რადიაციული უსაფრთხოების სააგენტოს ბალანსზე რიცხული 4 ერთეული ავტოსატრანსპორტო საშუალებების შეკეთება და ტექნიკური მომსახურება მიმწოდებლის ახალი, ქარხნული სათადარიგო ნაწილებით.**

1.2 2018 წლის სახელმწიფო შესყიდვების გეგმის თანახმად, საბიუჯეტო სახსრებით, შემსყიდველმა გამოაცხადა **სსიპ-ბირთვული და რადიაციული უსაფრთხოების სააგენტოს ბალანსზე რიცხული 4 ერთეული ავტოსატრანსპორტო საშუალების შეკეთებისა და ტექნიკური მომსახურების ელექტრონული ტენდერი (CPV 50112000) კოდით**, სახელმწიფო შესყიდვის მიზნით გამოცხადებული ელექტრონული ტენდერის (**SPA180000529**) შედეგების გათვალისწინებით მიმწოდებელმა აიღო ვალდებულება შეუსრულოს შემსყიდველს ზემოაღნიშნული მომსახურება **12000,00** (თორმეტიათასი) ლარად (შემდგომში ხელშეკრულების ღირებულება).

2. ხელშეკრულების შესრულების კონტროლი

2.1 ხელშეკრულების მიმდინარეობის ნებისმიერ ეტაპზე შემსყიდველი უფლებამოსილია განახორციელოს კონტროლი მიმწოდებლის მიერ ნაკისრი ვალდებულებების შესრულებაზე.

2.1.1 ავტოსახელოსნოში ყველა კონკრეტულ ჯერზე შესვლისას, ყოველ ა/მანქანას თან უნდა ახლდეს დეფექტური აქტი.

2.2 ხელშეკრულების შესრულების კონტროლის მიზანს წარმოადგენს:

2.2.1 გაწეული მომსახურების ხარისხისა და მოცულობის ხელშეკრულების მოთხოვნებთან - ხელშეკრულების დანართის (ტექნიკური დავალება) გათვალისწინებული გასაწევი მომსახურებისთვის საჭირო საქონლისა და მომსახურების ჩამონათვალთან შესაბამისობის დადგენა, გაწეული მომსახურების შესახებ მიღება-ჩაბარების აქტის გაფორმება და ანგარიშსწორების პროცესის რეგულირება, მიმწოდებლის მხრიდან ხელშეკრულებით ნაკისრი ვალდებულებების შესრულების კონტროლი.

2.2.2 ხელშეკრულების შესრულების კონტროლს ახორციელებს სსიპ - ბირთვული და რადიაციული უსაფრთხოების სააგენტოს მოწვეული სპეციალისტი ზურაბი ფიფაიშვილი პირადი N01023008309.

3. გასაწევი მომსახურების ტექნიკური დავალება:

3.1 სათადარიგო ნაწილებისა და გასაწევი მომსახურების ჩამონათვალი მოცემულია პრეისკურანტში, ხოლო შესყიდვის ობიექტის ტექნიკური დავალება, მოცემულია ხელშეკრულების დანართი N2-ში.

4. მომსახურების მიწოდების ადგილი, პირობები, ვადები და საგარანტიო ვადები.

4.1 მომსახურების მიწოდების ადგილი, პირობები, ვადები და საგარანტიო ვადები მოცემულია ხელშეკრულების დანართი N2-ში (ტექნიკური დავალება)

5. მიღება-ჩაბარების წესი

5.1 მომსახურების მიღება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად გაწეული მომსახურების შესაბამისად.

5.2 წინამდებარე პუნქტის 5.1 ქვეპუნქტით განსაზღვრული მიღება-ჩაბარების აქტის გაფორმების საფუძველს წარმოადგენს მიმწოდებლის მიერ ყოველი კონკრეტული შემთხვევისათვის გაკეთებული დეფექტური აქტი.

5.3 შემსყიდველის მხრიდან გაწეული მომსახურების შესახებ მიღება-ჩაბარების აქტზე ხელმომწერ პირს წარმოადგენს სსიპ - ბირთული და რადიაციული უსაფრთხოების სააგენტოს მოწვეული სპეციალისტი ზურაბი ფიფაიშვილი პირადი N01023008309.

5.4 იმ შემთხვევაში თუ, გაწეული მომსახურება შეესაბამება ხელშეკრულების დანართი N2-ის (ტექნიკური დავალება) გათვალისწინებულ მოთხოვნებს, ხელშეკრულების 2.2.2 ქვეპუნქტით განსაზღვრული პირი მიღება-ჩაბარების აქტის საფუძველზე ახორციელებს მომსახურების მიღებას, ხოლო თუ, მომსახურების მიწოდების პროცესში გამოვლინდება, რომ გაწეული მომსახურება არ აკმაყოფილებს ხელშეკრულების დანართი N2-ში (ტექნიკური დავალება) გათვალისწინებულ მოთხოვნებს, ხელშეკრულების 2.2.2 ქვეპუნქტით განსაზღვრული პირი მიმწოდებელს აცნობებს აღნიშნულის შესახებ, რის შემდეგაც შემსყიდველს უფლება აქვს არ მიიღოს ნაკლოვანი მომსახურება.

6. ანგარიშსწორება

6.1 ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით, ფაქტიურად გაწეული მომსახურების ღირებულების შესაბამისად.

6.2 ანგარიშსწორება განხორციელდება მიმწოდებლის საბანკო რეკვიზიტებზე.

6.3 ანგარიშსწორება მიმწოდებელთან განხორციელდება მხარეთა შორის გაფორმებული მიღება-ჩაბარების აქტის და შესაბამისი ფინანსური დოკუმენტაციის საფუძველზე.

6.4 ანგარიშსწორება მიმწოდებელთან განხორციელდება მიმწოდებლის მიერ ხელშეკრულების 6.3. პუნქტით გათვალისწინებული დოკუმენტების წარმოდგენიდან არაუგვიანეს 10 (ათი) დღის განმავლობაში.

7. მხარეთა ვალდებულებები

7.1. მიმწოდებელი ვალდებულია:

7.1.1. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

7.1.2 დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.1.3 გაავრცელოს გარანტია გაწეულ მომსახურებაზე და სათანადო ნაწილებზე ხელშეკრულების დანართი N2 - ში (ტექნიკური დავალება) გათვალისწინებული ვადით.

7.1.4 საკუთარი სახსრებით დროულად აღმოფხვრას საგარანტიო პერიოდში გამოვლენილი ყველა ნაკლოვანება.

7.2. შემსყიდველი ვალდებულია:

- 7.2.1 დაფინანსების წყაროთი გათვალისწინებული თანხების უწყვეტი დაფარვის პირობებში უზრუნველყოს მიმწოდებლის დროულად და სრული დაფინანსება.
- 7.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 7.2.3 დაიცვას ხელშეკრულებით გათვალისწინებული ყველა პირობა.

8. მხარეთა უფლება

- 8.1 მიმწოდებელს უფლება აქვს;
 - 8.1.1. ხელშეკრულების ფარგლებში მოითხოვოს დროული და სრული დაფინანსება.
- 8.2 შემსყიდველს უფლება აქვს:
 - 8.2.1 აწარმოოს მიმწოდებლის მიერ წინამდებარე ხელშეკრულებით ნაკისრი ვალდებულებების კონტროლი.
 - 8.2.2 განაცხადოს უარი უხარისხო მომსახურების მიღებაზე.

9. ფორს-მაჟორი

- 9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;
- 9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და მომსახურების გაწევისათვის აუცილებელი საქონლის მიწოდებაზე ემბარგოს დაწესებით, დაფინანსების წყაროს მკვეთრი შემცირებით და სხვა.
- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. ხელშეკრულების პირობების და ფასების გადასინჯვა

- 10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.
- 10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

- 10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.
- 10.4. თუ მომსახურების პროცესში აღმოჩნდება, რომ საჭიროა ისეთი მომსახურების ან სათანადო ნაწილის შესყიდვა, რომელიც გათვალისწინებული არ არის ხელშეკრულების დანართი N1-ში (პრეისკურანტი) ასეთ შემთხვევაში შესაძლებელია განხორციელდეს ხელშეკრულებაში ცვლილება მხარეთა შორის გაფორმებული ურთიერთშეთანხმების აქტის საფუძველზე, გაუთვალისწინებელი მომსახურებისა და სათანადო ნაწილის ერთულის ფასის განსაზღვრა ხდება შემსყიდველთან შეთანხმებით, რომელიც არ უნდა აღმატებოდეს საბაზრო ფასს, ხოლო გაუთვალისწინებელი მომსახურების ან სათანადო ნაწილის არარსებობით გამოწვეული შესყიდვის ხვედრითი წილი არ უნდა აღმატებოდეს დანართი N1-ის (პრეისკურანტი) ჯამური ღირებულების 10%-ს.
- 10.5. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

- 11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13. ხელშეკრულების პირობების შეუსრულებლობა

- 13.1 მიმწოდებელი კისრულობს პასუხისმგებლობას:
- 13.1.1. ხელშეკრულებით გათვალისწინებული მიწოდების ვადების დარღვევის შემთხვევაში გადაუხადოს შემსყიდველს პირგასამტეხლო სახელშეკრულებო ღირებულების 0,1%-ის ოდენობით, ყოველ ვადაგადაცილებულ დღეზე.
- 13.2 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.
- 13.3 იმ შემთხვევაში, თუ ხელშეკრულებით ნაკისრი ვალდებულებების შეუსრულებლობისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს შეწყვიტოს ხელშეკრულება.

14. ხელშეკრულების შეწყვეტა

ხელშეკრულება შეიძლება შეწყვეტილ იქნეს:

14.1. მხარეთა შეთანხმებით;

14.2. ხელშეკრულების 13.3 პუნქტით გათვალისწინებული პირობის არსებობისას;

14.3 თუ მიმწოდებელს ხელშეკრულებით გათვალისწინებულ ვადებში არ შეუძლია ხელშეკრულებით ნაკისრი ვალდებულებების შესრულება.

14.4. საქართველოს მოქმედი კანონმდებლობით გათვალისწინებულ სხვა შემთხვევებში.

15. ხელშეკრულების მოქმედების ვადა

წინამდებარე ხელშეკრულება ძალაში შედის ხელმოწერისთანავე და მოქმედებს 2019 წლის 31 იანვრის ჩათვლით.

16. სხვა პირობები

16.1 ხელშეკრულება შედგენილია 3 (სამი) ეგზემპლარად და თითოეულ მათგანს თანაბარი იურიდიული ძალა აქვს;

16.2 ხელშეკრულების 2 (ორი) ეგზემპლარი ინახება შემსყიდველთან, ხოლო 1 (ერთი) ეგზემპლარი მიმწოდებელთან.

17. მხარეთა რეკვიზიტები

შემსყიდველი

სსიპ ბირთვული და რადიაციული
უსაფრთხოების სააგენტო

მისამართი: გ. გულუას ქ. N6

ს/ნ: 204585564

სახელმწიფო ხაზინა

ხაზინის ერთიანი ანგარიში

სამსახურის უფროსი:

ვასილ გედევანიშვილი



მიმწოდებელი

შპს „თეგეტა მოტორსი“

მისამართი: აღმაშენებლის ხეივანი მე-12კმ
N5

ს/ნ: 202177205

ბანკის კოდი: TBCBGE22

ანგარიშის ნომერი:
GE80TB0600000024467853

გენერალური დირექტორი:

თემურ კობოძე

